



Republika e Kosovës
Republika Kosova-Republic of Kosovo
Qeveria - Vlada - Government

Komisioni Ndërmënor për Reformën e Administratës Publike

PROCESVERBAL

i Mbledhjes së dt. 11 Korrik 2012 të

Komisionit Ndërmënor të Reformës së Administratës Publike

Mbledhja e e KNRAP është bashkë-kryesuar nga Z. Hajredin Kuçi, Zëvendës-Kryeministër i Republikës së Kosovës dhe Z. Mahir Yagcilar, Ministër i Administratës Publike.

Hyrje dhe miratimi i agjendës

Mbledhja u hap nga Ministri Yagcilar i cili pasi përshëndeti dhe falenderoi të pranishmit për kontributin e tyre të pakursyer, kërkoi nga ta për të vazhduar me përkushtim edhe më të madh reformimin e administratës publike, duke theksuar se në këtë periudhë duhet të përqendrohemi në tri çështje kryesore: aprovimin e të gjitha Planeve Zhvillimore Strategjike, aprovimin e rregulloreve për organizimin e brendshëm dhe zbatimin e Strategjisë dhe Planit të Veprimit për Reformën e Administratës Publike. Poashtu, Ministri kërkoi nga të pranishmit që deri në fund të vitit 2012 të aprovohen të gjitha Planet Zhvillimore Strategjike dhe të fillojë zbatimi i tyre, ndërsa sa i përket Rregulloreve për organizimin e brendshëm theksoi që ato duhet hartuar dhe proceduar sa më shpejt në mënyrë që të zbatohet Ligji për Administratë Shtetërore. Këtë fjalë hyrëse Ministri i Administratës Publike e përfundoi duke kërkuar realizimin e aktiviteteve të Planit të Veprimit për Reformën e Administratës Publike dhe koordinimin e mirëfilltë për zbatimin e gjithmbarshëm të Strategjisë përkatëse.

Agjenda u miratua nga të gjithë anëtarët, dhe është e bashkëngjitur në Aneksin 1 të këtij procesverballi.

Pikat e rendit të ditës

Në vazhdim dhe në bazë të agjendës së takimit, u bë prezantimi i Planit Zhvillimor Strategjik për Ministrinë e Diasporës (MeD) i cili u miratua me vërejtje nga KNRAP. Për këtë çështje Ministri Yagcilar, kërkoi nga MeD që në afat prej 2 ditësh të bëhen plotësim-ndryshimet e nevojshme dhe fillimisht të dërgohet në Departamentin për Menaxhimin e Reformës së Administratës Publike (DMRAP) për shqyrtim e më pastaj të procedohet për aprovim në Qeveri.

Po ashtu, në këtë takim u bë prezantimi i Planit Zhvillimor Strategjik për Ministrinë e Tregtisë dhe Industrisë i cili u miratua njëzëri nga KNRAP dhe u komentua se krijimi i strukturave të reja, si gjithnjë, duhet të jetë subjekt i aprovimit nga Ministria e Financave.

Në pjesën tjetër të rendit të ditës, u prezantuan të arriturat dhe sfidat në hartimin e Planeve Zhvillimore Strategjike nga Ministria e Forcës së Sigurisë së Kosovës, Ministria e Integriteteve Evropiane, Ministria e Punëve të Jashtme, Ministria e Shëndetësisë dhe Ministria e Arsimit, Shkencës dhe Teknologjisë. Nga këto Ministri u kërkuar që në afat kohor prej dy (2) muajsh të hartojnë propozim-Planet Zhvillimore Strategjike dhe t'i sjellin ato për miratim në takimin e ardhshëm të KNRAP, të cilat mëpastaj do të procedohen në Qeveri për aprovim.

Pjesa përfundimtare e takimit

Në vazhdim të takimit, të pranishmëve i'u adresua Zv. Kryeministri, Z. Hajredin Kuçi, i cili në emër të Qeverisë së Republikës së Kosovës i falënderoi ata dhe stafin e DMRAP për punën dhe angazhimin e tyre në reformimin e administratës publike, ndërsa lidhur me procesin e reformimit të administratës publike theksoi se Ligji për Administratën Shtetërore, Ligji për Shërbimin Civil dhe Ligji për Pagat e Nëpunësve Civil janë bazament për reformim të administratës publike. Zv. Kryeministri theksoi qartë që për zbatimin e mirëfilltë të këtyre ligjeve duhet të hartohen, aprovuar dhe zbatuar aktet përkatëse nënligjore. Gjithashtu, Zv. Kryeministri Kuçi kërkoi nga institucionet që gjatë hartimit të akteve nënligjore dhe PZHS-ve të jenë të kujdesshëm në dy gjëra: që aktet nënligjore të jenë të harmonizuara me ligjet dhe të ndiqen procedurat e aprovimit të tyre, duke informuar që në të ardhmen do të kujdeset personalisht që aktet nënligjore që kalojnë në Qeveri, i kanë ndjekur paraprakisht procedurat e nevojshme. Sa i përket zbatimit të Strategjisë dhe Planit të Veprimit të Reformës së Administratës Publike, Zv. Kryeministri informoi të pranishmit se shumë shpejt do të krijohen strukturat për zbatimin e tyre. Për më tepër ai shtoi se në kuadër të zbatimit të Planit do të krijohet inspektimi administrativ, do të hiqen barrierat administrative për nxjerrjen e dokumenteve dhe do të zvogëlohen shpenzimet, do të bëhet digjitalizimi i shërbimeve për qytetarë, do të ngritet transparencja për ofrimin e shërbimeve publike, Instituti Kosovar për Administratë Publike do të shndërrohet në një shkollë superiore për administratë publike, e akredituar, për të shërbyer si shkollë për mësim të vazhdueshëm për nëpunësit civilë.

Konkluzionet

Konkluzionet e përgjithshme të dala nga ky takim janë:


(1) Në afat kohor prej dy (2) muajsh të hartohen propozim-Planet Zhvillimore Strategjike nga Ministria e Shëndetësisë, Ministria e Arsimit, të Shkencës dhe të Teknologjisë, Ministria e Forcës së Sigurisë së Kosovës, Ministria e Punëve të Jashtme, Ministria e Integriteteve Evropiane dhe Ministria e Bujqësisë, Pylltarisë dhe Zhvillimit Rural;

(2) Plani Zhvillimor Strategjik i Ministrisë së Diasporës të procedohet me plotësim-ndryshime për shqyrtim në DMRAP e pastaj të procedohet në Qeveri për aprovim; dhe

(3) Aktet nënligjore dhe Planet Zhvillimore Strategjike të jenë të harmonizuara në mënyrë të mirëfilltë me ligjet në fuqi dhe të ndiqen procedurat e aprovimit sikurse nga KNRAP poashtu edhe nga Qeveria.

Aneksat:

Këtij proces-verbali i aneksohet agjenda e takimit.



Sekretariati i KNRAP



Republika e Kosovës
Republika Kosova-Republic of Kosovo
Qeveria - Vlada-Government

**Komisioni Ndërmnistror për Reformën e Administratës Publike
(KNRAP)**

Rendi i ditës

11 korrik 2012

Vendi: Ndërtesa e Qeverisë, sala P 38

- 15.00 – 15.05 **Fjala hyrëse**
Z. Hajredin Kuçi, Zëvendës Kryeministër
Z. Mahir Yağcılar, Ministër i Administratës Publike
- 15.05 – 15.55 **Prezantimi dhe aprovimi eventual i propozim-Planit Zhvillimor Strategjik**

- Ministria e Tregtisë dhe Industrisë;
- Ministria e Diasporës.

Prezantimi i arritjeve dhe/apo sfidave në hartimin e Planeve Zhvillimore Strategjike

- Ministria e Forcës dhe Sigurisë së Kosovës;
- Ministria e Punëve të Jashtme;
- Ministria e Integritetit Evropian;
- Ministria e Arsimit, Shkencës dhe Teknologjisë;
- Ministria e Shëndetësisë;
- Ministria e Bujqësisë, Pylltarisë dhe Zhvillimit Rural.

Të ndryshme

- 15.55 – 16.00 **Përmbyllja e takimit**